



2b. 15



Q. F. F. Q. E.

DEO Ter. Opt. Max.

providente

SERENISSIMO

AC POTENTISSIMO ELECTORE

BRANDEBURGICO, DOMINO MEO CLE-

MENTISSIMO

Statuente

AMPLISSIMO SE-

NATU ACADEMICO

assentiente

NOBILISSIMA FACULTATE

JURIDICA

comprobante

Institutionum Imperialium designatus

PROFESSOR

Initium Professionis facturus, ad orationem,

quam more Academia, illi in auditorio Juriscon-

sultorum premittet,

Legum & artium liberalium

Studiosos omnes ac singulos amanter

invitat.

BENEDICTUS STYMMELIUS

U. J. D.

FRANCOFURTI

Typis

FRIDERICI HARTMANNI, BIBLIOPOLÆ.

11

Doctor

GERENISSIMO

AMPELSSIMO

NOBILISSIMA FACULTATE

1812





Secundus in Romana Monarchia Imperator, Octavius Cæsar, qui quod Urbem optimis institutis auxisset, & operibus magnificentissimis exornasset, pater patriæ atque Augustus dictus fuit, postquam potitus rerum, pacem per orbem terrarum firmasset, consultationem habuit de armis ponendis, ac de republica Senatui populoque Romano reddenda. Cumque in consilium adhibuisset Agrippam & Mœcenatem, suos intimos amicos, imperiumque omninò deponere se velle simulasset: tum Agrippa consilio Mœcenatis, qui ad retinendum imperium graviter Cæsarem cohortatus erat, contrarium dedit, ac inter multas rationes & has adduxit. Qui tot, Auguste, tantisque rebus dies ac noctes gubernandis durare? quo hominis naturæ consentaneo bono frui? quonam pacto recreari? aut unquam sine molestia esse poteris? cum qui amplum habet imperium, plurimarum rerum curam sustineat, paucissima verò quæ oblectent sentiat, necesse sit. Haud tamen suadeo, inquit, ita simpliciter imperium deponas, sed ut prius omnibus populi utilitatibus prospicias, decretisque ac LEGIBUS, Syllæ exemplo, quod opportunum videbitur, constituas. Cæsar hoc consilio audito, id tum à prudentia, tum à dicendi libertate commendavit, rationes tamen de imperio deponendo repudiavit,

vit, & Mæcenatis consilium secutus imperium retinuit, & rectè quidem. Neque enim magnitudo negotiorum principem ab imperio detertere debet, cum rectè & sine periculo imperare sapienti Principi haud sit difficile. Si enim ad eam quæ, quæ a se est, togatam & militarem, divinam & humanam, prudentiam, adjunxerit & illam, quæ ab aliis est, tunc laborem princeps non admodum sentiet, si in partem curarum alios adsumat. Et quidem sine his subsidiis ne sit princeps, meritò curat: cum magna negotia, magnis adjutoribus egeant, ut ex Vellejo Lips. 3. pol. docet, nec unius mens tantæ molis possit esse capax. Quæ igitur res impedimento sit principi, quo minus omnibus hominis bonis, etiam perfectissimo, quod Philosophus I. ad Nicomach. proprium hominis bonum vocat, perfruat? Quod si & perfecta illa virtute, ac omnium virtutum præstantissima, JUSTITIA usus fuerit, nunquam errabit Princeps, omniaque ad felicitatem perducet, & magna cum suavitate vitam traducet. Quæ namque major voluptas, quam aliquem omnium bonorum fructum cum virtute percipere, & cum aliis communicare posse? quam principem pacificum amari? & ut ait Mæcenas, tanquam patriæ patrem aspectari? Quibus bonis tum demum perfrui se posse Augustus putabat, si optimis LEGIBUS rempublicam stabiliret. Quare & Agrippæ, utpote viri in rebus agendis, & media republica diu versati, de legibus consilium secutus, LEGES tum ad statum publicum, tum ad

ad jus privatum pertinentes, plurimas promulga-
vit, & reipublicæ statum firmissimum atque tran-
quillum reddidit. Nam sine JUSTITIÆ studio in-
stabilis est civium concordia, ut apud Dionysium
Halicarnas. 2. antiqui. Rom. habetur. Et Aristote-
les 3. polit. JUSTITIAM publicæ salutis conser-
vationem atque tutelam vocat. Quo & respexit
Cic. cum nihil honestum esse posse, quod justitia
vacet, 1. Offic. scribit. Nam ubi LEGES non re-
gnant, ibi nullam rempublicam esse, Aristoteles 4.
polit. statuit. & libertatem ablatam esse, legibus
sublatis, Halicarnas. 7. antiqui. Rom. censet.

Quamvis enim Princeps, lex dicatur animata,
& plus etiam possit quam ipsa lex; cum quicquid
principi placuerit, legis habeat vigorem, Ulpiano
JC. teste, adeo ut & contractum principis, legis vi-
cem obtinere, Justinianus Mennæ prætorii præfe-
cto rescripserit: tamen LEX scripta, ait Aristotel.
2. politicor. hominis voluntate certior est regula.
Vacua enim lex est omnibus cupiditatibus, caret-
que affectibus, quibus homo turbatur sæpe, & ani-
mus ne possit cernere verum, vel amore, vel ira im-
peditur. Unde LEGALE IMPERIUM, regali præ-
ponendum esse, idem Philosophus 3. politicor.
censet, ibidemque legis imperium, DEI impe-
rium vocat. Certas itaque leges in omni repu-
blica poni & promulgari, quis non utile & neces-
sarium esse judicet? cum JUS sit unicum illud
vinculum, quo humana continetur societas.
In quo quid præstiterint Romani, res ipsa loqui-
tur,

A ;

tur,

tur, ac quotidianus usus testatur. Id sanè certum est, in tota Europa Jus CIVILE ROMANUM, ob summam naturalem æquitatem & æqualitatem, principem locum obtinere, & hominum generi universo maximè salutare esse: utpote quod totam juris civilis scientiam, quantum humana ratio assequi, & quousque ea progredi potuit, tractet, & ferè integram absolutamque exhibeat. Nec verò leges in republica esse sufficit, sed sint qui jura reddant, ait Pompon. J. C. necessè est: cum constare jus non possit, nisi sint JURISPERITI, per quos possit quotidie in melius produci. Ideoque apud Romanos, ab ann. Urb. 302. plurimos & maximos Viros, qui non modò ob juris peritiam, sed & reipublicæ administrationem claruerunt, juris scientiam professos fuisse, ex l. 2. ff. de O. J. constat. Et quidem ante tempora Augusti, publicè respondendi, vel docendi jus, cuilibet, qui ingenio fidebat suo, liberum erat. Primus D. Augustus, ut major juris auctoritas haberetur, constituit, ut ex autoritate ejus responderent publiceque docerent. Qua in re Augustus & Agrippæ & aliorum sapientissimorum judicium secutus est. Atque id quidem, cum aliis principibus meritò curæ est, tum ab Illustrissimo ac potentissimo Electore Brandenburgico, patriæ nostræ parente benignissimo, principe laudatissimo, Domino meo Clementissimo (cui DEUS novi anni felix auspiciam, valetudinem prosperam,

ram, vitam longævam, gubernationem tranquil-
lam concedat, est quod optem) probari & obser-
vari certum est. Cum enim Illustrissima ejus
Celsitudo noverit, non tam munitioibus, quan-
tumvis inexpugnabilibus, conservari rempubli-
cam, quam diligenti & severa custodia atque ad-
ministracione LEGUM, quæ ad certam rationem
constitutæ sunt: non tantum unicè cogitat, quem-
admodum in ditionibus suis, omnia gerantur &
fiant legibus ad-jubendum aptis, & ad vetandum
idoneis: verum etiam eò incumbit maximè, ne
quicquam in cupidæ legum juventutis informa-
tione desideretur, eaque de causa, non ita pridem,
ordinarium statutumque Jurisconsultorum nume-
rum supplendum benignissimè curavit, atque
Institutionum Imp. professionem extraordina-
riam adjiciendam putavit, eamque mihi Clemen-
tissimè demandavit. Est enim adhuc memor,

*(Nam benè apud memores, veteris stat gratia
facti,)*

quod Celsitudinis ipsius primæ juventuti infor-
mandæ, cum Galliæ, Italiæ & Angliæ regionibus
perlustratis domum rediissem, adhibitus fue-
rim: eaque de causa, non tantum antea, munifi-
centia sua me benignissimè juvit, sed & nunc tem-
poris, publicum & honestum munus clementissimè
mihi derulit. Cumque Illustrissimæ ejus Cel-
situdini morem gerens, amplissimus hujus Acade-
miæ Senatus, me in numerum Professorum recepe-
rit,

rit, & Nobilissimus Jurisconsultorum Ordo locum
in facultate mihi concesserit: faciam Deo juvante,
ut ex laudissimæ Facultatis Juridicæ jussu, lectio-
nibus meis, brevem orationem, quam præliminas
rem vocant, præmittam. Ad quam audiendam ut
Legum & ingenuarum artium Studiosi die Jovis
proximo h. 9. in auditorio Jurisconsultorum fre-
quentes conveniant, hacque ratione suam erga me
humanitatem & benevolentiam declarent, obnixè
rogo. P. P. Francof. Marchionum 12. Januarij
An. 1622.

Ja 666



ULB Halle 3
002 177 021



A white rectangular library label with a barcode and identification numbers.

5b-700

Von 7

MC





Inches 1 2 3 4 5 6 7 8 9 10 11 12 13 14 15 16 17 18 19 8
Centimetres

B.I.G.

Farbkarte #13



F. Q. E.
Opt. Max.
dente
SSIMO
MO ELECTORE
DOMINO MEO CLE-
SSIMO
nte
IMO SE-
DEMICO
nte
FACVLTATE
ICA
nte
rialium designatus
SOR
urus, adorationem,
n auditorio Juriscon
mittet,
m liberalium
ngulos amanter
TYMMELIUS
URTI
NI, BIBLIOPOLA.

